



JAVNA USTANOVA  
**DOM ZDRAVLJA**  
ZAVIDOVIĆI

*Gazi Husrev-begova 25*

*tel. (032) 878-877*

*fax (032) 879-088*

*e-mail: polikzav@bih.net.ba*

*web : www.dzzavidovici.ba*

*Identifikacioni broj: 4218122690008*

*PDV broj: 218122690008*

*Žiro računi : ASA Banka d.d. Sarajevo : 1340300000007482*

*Raiffeisen bank d.d. BiH Sarajevo – filijala Zenica : 1610550009120069*

---

Broj:01-2.16-4368/24

Datum:29.11.2024. godine

Na osnovu člana 46. Statuta JU „Dom zdravlja“ Zavidovići i člana 70. i 89. Zakona o javnim nabavkama Bosne i Hercegovine („Službeni glasnik Bosne i Hercegovine“, broj: 39/14, 59/22 i 50/24), direktor JU „Dom zdravlja“ Zavidovići, donosi

### **ODLUKU**

o izboru najpovoljnijeg ponuđača za nabavku  
usluga osiguranja radnika od posljedica povrede na radu,  
povrede odlaska na posao i s posla, za slučaj smrti uslijed nesreće na radu  
i invalidnosti zaposlenih u JU „Dom zdravlja“ Zavidovići

#### **Član 1.**

Ugovor o nabavci usluga osiguranja radnika od posljedica povrede na radu, povrede odlaska na posao i s posla, za slučaj smrti uslijed nesreće na radu i invalidnosti zaposlenih u JU „Dom zdravlja“ Zavidovići za 12 mjeseci, dodjeljuje se ponuđaču **ASA Central osiguranje d.d. Sarajevo.**

#### **Član 2.**

Ponuda ponuđača ASA Central osiguranje d.d. Sarajevo, u provedenom konkurentskom zahtjevu za dostavu ponuda, bila je prihvatljiva ponuda i nakon održane e-aukcije imala je najnižu cijenu, te će se ovom ponuđaču ponuditi Ugovor o nabavci usluga osiguranja radnika od posljedica povrede na radu, povrede odlaska na posao i s posla, za slučaj smrti uslijed nesreće na radu i invalidnosti zaposlenih u JU „Dom zdravlja“ Zavidovići, u ukupnom iznosu od **2.832,03 KM bez PDV-a.**

#### **Član 3.**

Drugi po rang, nakon provedene e-aukcije, bio je ponuđač Euroherc osiguranje d.d. Sarajevo - Podružnica Travnik, sa ukupnom cijenom ponude u iznosu od 2.910,00 KM bez PDV-a.

#### Član 4.

Treći po rang, nakon provedene e-aukcije, bio je ponuđač Wiener osiguranje a.d. Banja Luka, sa ukupnom cijenom ponude u iznosu od 2.915,64 KM bez PDV-a.

#### Član 5.

Četvrti po rang, nakon provedene e-aukcije, bio je ponuđač Triglav osiguranje d.d. Sarajevo – Podružnica Zenica, sa ukupnom cijenom ponude u iznosu od 3.840,00 KM bez PDV-a.

#### Član 6.

Peti po rang, nakon provedene e-aukcije, bio je ponuđač Sarajevo osiguranje d.d. Sarajevo, sa ukupnom cijenom ponude u iznosu od 3.897,60 KM bez PDV-a.

#### Član 7.

Izabrani ponuđač **ne mora dostaviti** original ili ovjerene fotokopije sljedeće kvalifikacione dokumentacije:

- a) uvjerenje Suda BiH i suda prema sjedištu pravnog lica, kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca,
- b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti,
- c) uvjerenja nadležnih institucija kojim se potvrđuje da je ponuđač izmirio dospjele obaveze za doprinose za penzijsko i invalidsko osiguranje i zdravstveno osiguranje.
- d) uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza.

#### Član 8.

Izabrani ponuđač ne mora dostaviti original ili ovjerene fotokopije dokumentacije iz člana 4. ove odluke iz razloga jer je u ponudi dostavio ovjerenu fotokopiju sljedećeg dokumenta:

- a) Uvjerenje Suda Bosne i Hercegovine, broj: Su:03-9846/24 od 30.09.2024. godine da pravnom licu nije izrečena pravosnažna osuđujuća presuda za krivična djela organizovanog kriminala, prevaru, korupciju i pranje novca u smislu člana 45. stav 2. tačka a) Zakona o javnim nabavkama – ovjerena fotokopija od 14.10.2024. godine,
- b) Uvjerenje Općinskog suda u Sarajevu, broj: 65 0 Kr 24 013863 od 10.09.2024. godine da ponuđaču nije izrečena pravosnažna osuđujuća presuda za krivično djelo učešća u kriminalnoj organizaciji, korupciju, prevaru ili pranje novca u smislu člana 45. stav 2. tačka a) Zakona o javnim nabavkama – ovjerena fotokopija od 14.10.2024. godine,
- c) Uvjerenje Općinskog suda u Sarajevu, broj: 065-0-R-24-002187 od 10.09.2024. godine da ponuđač nije pod stečajem niti je predmet stečajnog postupka, nije predmet postupka likvidacije, odnosno nije u postupku obustavljanja poslovne djelatnosti člana 45. stav 2. tačka b) Zakona o javnim nabavkama – ovjerena fotokopija od 03.09.2024. godine,



- c) Uvjerenje Porezne uprave Federacije – Porezna ispostava Novi Grad, broj: 13-9/4-12-5-28636/OD od 18.09.2024. godine da ponuđač nema duga po osnovu javnih prihoda – ovjerena fotokopija od 10.10.2024. godine,
- d) Uvjerenje Uprave za indirektno oporezivanje –Regionalni centar Sarajevo, broj: 02/6/II-16-11-20-12039/24 od 19.09.2024. godine da ponuđač nema dospjelih, a neizmirenih obaveza po osnovu indirektnih poreza, prihoda i taksi – ovjerena fotokopija od 10.10.2024. godine.

Dokument naveden u stavu 1. ovog člana evidentiran je u Zapisniku o pregledu i ocjeni ponuda, broj: 01-2.13-4118/24, a u Tenderskoj dokumentaciji, broj: 01-2.12-3704/24 od 17.10.2024. godine, u tački 2.USLOVI ZA KVALIFIKACIJU I POTREBNI DOKAZI, podtačka 2.1., je propisano: „Ponuđač može uz Izjavu -Aneks 4 tj. uz svoju ponudu, odmah dostaviti i tražene dokaze koji su navedeni u izjavi. Ovim se ponuđač oslobađa obveze naknadnog dostavljanja dokaza ako bude izabran. Dostavljeni dokazi moraju biti originali ili ovjerene kopije i ne mogu biti stariji od tri mjeseca, računajući od trenutka predaje ponude.“

### **Član 9.**

Ova odluka stupa na snagu danom donošenja.

### ***Obrazloženje***

Obavještenjem o nabavci br. 638-7-2-363-3-123/24 koje je objavljeno na portalu javnih nabavki dana 17.10.2024. godine i u “Službenom glasniku BiH” br.72 od 25.10.2024. godine, objavljen je postupak javne nabavke usluga osiguranja radnika od posljedica povrede na radu, povrede odlaska na posao i s posla, za slučaj smrti uslijed nesreće na radu i invalidnosti zaposlenih u JU „Dom zdravlja“ Zavidovići za 12 mjeseci putem konkurentskog zahtjeva.

Tendersku dokumentaciju za predmetnu nabavku sa portala javnih nabavki preuzelo je 12 ponuđača i to: EKAPIJA DOO, BRČKO-GAS OSIGURANJE D.D., BBS EUROPE, DRUŠTVO ZA OSIGURANJE „PREMIUM OSIGURANJE“ A.D, SARAJEVO OSIGURANJE D.D., ASA CENTRAL OSIGURANJE D.D. SARAJEVO,OSIGURANJE EAURA A.D. BANJA LUKA, WIENER OSIGURANJE VIG AD, CROATIA OSIGURANJE D.D., EUROHERC OSIGURANJE D.D.,JZU “DOM ZDRAVLJA U BANJOJ LUCI” I TRIGLAV OSIGURANJE D.D. PODRUŽNICA ZENICA.

Na adresu JU “Dom zdravlja” Zavidovići dostavljeno je 5 ponuda i to: ASA CENTRAL OSIGURANJE D.D. SARAJEVO , EUROHERC OSIGURANJE D.D., WIENER OSIGURANJE VIG AD, SARAJEVO OSIGURANJE D.D. SARAJEVO I TRIGLAV OSIGURANJE D.D. PODRUŽNICA ZENICA.

Nakon pregleda dostavljene dokumentacije Komisija za javne nabavke utvrdila je da svih pet ponuda odgovara uslovima iz tenderske dokumentacije, odnosno da su prihvatljive ponude.

Procijenjena vrijednost javne nabavke iznosi **3.900,00 KM.**

Uputstvom za pripremu modela tenderske dokumentacije i ponuda (“Službeni glasnik BiH“, broj: 90/14) u članu 17. propisano je da je ugovorni organ obavezan provjeriti računsku ispravnost ponude.

U postupku pregleda ponude ponuđača Wiener Osiguranje A.D. Banja Luka, za nabavku usluga osiguranja radnika od posljedica povrede na radu, povrede odlaska na posao



i s posla, za slučaj smrti uslijed nesreće na radu i invalidnost, za JU „Dom zdravlja“ Zavidovići, broj: 638-7-2-363-3-123/24, provjerom računске ispravnosti iste, utvrđena je računska greška koja se ogleda u pogrešnom izračunu ukupne cijene bez PDV-a u Obrascu za cijenu ponude - ANEKS 3.

Članom 5. stav 4. Uputstva za pripremu modela tenderske dokumentacije i ponuda propisano je da prilikom ispunjavanja obrasca za cijenu ponude ponuđač ukupnu cijenu stavke izračunava kao: „a) proizvod količine stavke i cijene stavke, b) proizvod zbirnog procijenjenog udjela više objedinjenih stavki i zbirne cijene više stavki na koje se taj zbirni procijenjeni udio odnosi,“ dok je u stavu 2. člana 17. Uputstva za pripremu modela tenderske dokumentacije i ponuda, propisano da, kada izračuni vezani za pojedinačne stavke iz obrasca za cijenu ponude ili cijena ponude bez poreza na dodatnu vrijednost navedeni u ispunjenom obrascu za cijenu ponude u ponudi ne odgovaraju metodologiji definisanoj u članu 5. ovog uputstva, ugovorni organ ih ispravlja u skladu sa metodologijom iz člana 5. ovog uputstva.

U Tenderskoj dokumentaciji, broj: 01-2.12-3704/24 od 17.10.2024. godine, ugovorni organ odredio je predmet i količinu, te je ponuđač u prilogu II - Obrazac za cijenu ponude- usluge ANEKS 3, u koloni 4. bio dužan unijeti podatke o jediničnoj cijeni bez PDV-a (PREMIJA ZA JEDNO LICE bez PDV-a), te ukupnoj cijeni bez PDV-a (UKUPNA PREMIJA bez PDV-a za 160 lica paušalno), ukupnoj cijeni ponude bez PDV-a, Popustu, te ukupnoj cijeni ponude sa popustom bez PDV-a i ukupnoj cijeni sa popustom sa PDV-om brojem i slovima.

Provjerom računске ispravnosti u skladu sa propisanom metodologijom, u Obrascu za cijenu ponude- usluge ANEKS 3, broj: 012F-1415/24, utvrđeno je da je ponuđač Wiener Osiguranje A.D. Banja Luka popunio tabelu po svim stavkama, ali računskom provjerom utvrđeno je da je prilikom popunjavanja tabele Obrasca za cijenu ponude- usluge ANEKS 3, ponuđač pogrešno upisao, tj. pogrešno izračunao, umnožak jedinične cijene bez PDV-a za premiju za jedno lice bez PDV-a (iskazana jedinična cijena je „19,89“), sa količinom od 160 radnika (paušalno), tako da je u koloni 4 (UKUPNA PREMIJA bez PDV-a za 160 lica paušalno) upisao „3.181,92“ umjesto „3.182,40“ ( $19,89 \times 160 = 3.182,40$ ).

Članom 17. stav (5) Uputstva za pripremu modela tenderske dokumentacije i ponuda („Službeni glasnik BiH“, broj: 90/14), propisano je da se jedinična cijena stavke ne smatra računskom greškom, odnosno ne može se ispravljati.

Slijedom navedenog, u dijelu tabele Obrasca za cijenu ponude- usluge ANEKS 3, broj: 012F-1415/24, u koloni 4 (UKUPNA PREMIJA bez PDV-a za 160 lica paušalno), iznos „3.181,92“ trebao bi da glasi „3.182,40“ ( $19,89 \times 160 = 3.182,40$ ).

Shodno navedenom, u Obrascu za cijenu ponude- usluge ANEKS 3, broj: 012F-1415/24, ukupna cijena ponude bez PDV-a treba da iznosi 3.182,40 KM, jer u predviđenoj rubrici za popust, isti nije iskazan, tj. naveden je popust u iznosu od „0,00“ KM. Ukupna cijena premije osiguranja sa popustom sa PDV-om, također treba da glasi 3.182,40 KM, jer na predmetne usluge nije obračunat PDV.

U skladu sa izvršenom kontrolom računске ispravnosti ponude, primjenjujući principe iz člana 5. stav 4. i člana 17. stav 2. Uputstva za pripremu modela tenderske dokumentacije i ponuda, Komisija za javne nabavke utvrdila je da tabela Obrasca za cijenu ponude- usluge ANEKS 3, broj: 012F-1415/24, treba da glasi:

| Rbr | PREDMET OSIGURANJA                                                                                                                          | PREMIJA ZA JEDNO LICE bez PDV-a | UKUPNA PREMIJA bez PDV-a za 160 lica paušalno |
|-----|---------------------------------------------------------------------------------------------------------------------------------------------|---------------------------------|-----------------------------------------------|
| 1.  | Osiguranje radnika od posljedica povrede na radu, povrede odlaska na posao i s posla, za slučaj smrti uslijed nesreće na radu i invalidnost | 19,89                           | 3.182,40                                      |



|                                                                  |                                    |
|------------------------------------------------------------------|------------------------------------|
| Ukupna cijena premije osiguranja bez PDV                         | 3.182,40                           |
| Popust                                                           | 0,00                               |
| Ukupna cijena premije osiguranja sa popustom bez PDV-a           | 3.182,40                           |
| Ukupna cijena premije osiguranja sa popustom bez PDV-a (SLOVIMA) | Trihiljadestoosamdesetdva i 40/100 |
| Ukupna cijena premije osiguranja sa popustom sa PDV-om           | 3.182,40                           |
| Ukupna cijena premije osiguranja sa popustom sa PDV-om (SLOVIMA) | Trihiljadestoosamdesetdva i 40/100 |

Komisija je odlučila da u ovoj fazi prekine rad na daljem postupku ocjene ponude te da uputi ponuđaču Wiener Osiguranje A.D. Banja Luka zahtjev za prihvatanje ispravke računске greške u ponudi, a shodno stavu 5. člana 17. Uputstva za pripremu modela tenderske dokumentacije i ponuda.

Odgovor po zahtjevu za prihvatanje ispravke računске greške u ponudi ponuđač je trebao dostaviti do 08.11.2024. godine (PETAK) do 15,00 sati.

Ponuđač Wiener Osiguranje A.D. Banja Luka, dana 08.11.2024.godine u 10:20 sati, putem e-maila dostavio je odgovor br. 012F-1483/24 od 08.11.2024. godine, u kojem navodi da prihvata ispravku računске greške ponuđene od strane Komisije, tako da ukupna vrijednost ponude iznosi: 3.182,40 KM bez PDV-a, dok cijena sa PDV-om također iznosi 3.182,40 KM.

U ovom postupku nabavke predviđeno je provođenje e-aukcije.

„E-Aukcija“ je elektronski proces provođenja dijela postupka javne nabavke, koji uključuje podnošenje novih cijena, izmijenjenih naniže, i/ili novih vrijednosti određenih elemenata ponude, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u sistemu "e-Nabavke".

Nakon pregleda i ocjene ponuda za nabavku usluga osiguranja radnika od posljedica povrede na radu, povrede odlaska na posao i s posla, za slučaj smrti uslijed nesreće na radu i invalidnost, za JU „Dom zdravlja“ Zavidovići, utvrđeno je da je svih pet ponuda prihvatljivo, usljed čega je ispunjen uslov za zakazivanje e-aukcije u sistemu e-nabavke u skladu sa Pravilnikom o uslovima i načinu korištenja e-aukcije („Službeni glasnik BiH“, broj 80/23).

Ugovorni organ odlučio je da e-aukciju zakaže za 20.11.2024. godine sa početkom u 09:00 sati, te da će e-aukcija trajati 10 minuta.

Prvobitni rang ponuđača koji je utvrđen na osnovu cijena iz ponuda sa uračunatim popustom i na osnovu kojeg je i zakazana e-aukcija bio je sljedeći:

Tabela: uporedba cijena – rangiranje

| Ponuđač:                             | ASA<br>CENTRAL<br>OSIGURANJE | EUROHERC<br>OSIGURANJE | WIENER<br>OSIGURANJE | SARAJEVO<br>OSIGURANJE | TRIGLAV<br>OSIGURANJE | Najniža<br>vrijednost<br>ponude |
|--------------------------------------|------------------------------|------------------------|----------------------|------------------------|-----------------------|---------------------------------|
| Vrijednost -<br>LOT-a sa<br>popustom | 3.884,80                     | 3.840,00               | 3.182,40             | 3.897,60               | 3.840,00              | 3.181,92                        |
| Rang                                 | 3                            | 2                      | 1                    | 4                      | 2                     |                                 |

Ugovorni organ iz sistema e-nabavke, preuzeo je izvještaj o toku i završetku e-aukcije 21.11.2024. godine u 6:40 sati, te je nakon okončane e-aukcije nastavio rad na ocjeni ponuda u ovom postupku.

Iz izvještaja se može utvrditi da su u toku e-aukcije podnošene nove ponude, te da je nakon okončane e-aukcije prvorangirani ponuđač ASA CENTRAL OSIGURANJE D.D. SARAJEVO sa najnižom cijenom ponude u iznosu 2.832,03 KM bez PDV-a, drugi po rangju je ponuđač EUROHERC OSIGURANJE D.D. SARAJEVO - PODRUŽNICA

TRAVNIK sa ukupnom cijenom ponude u iznosu od 2.910,00 bez PDV-a, treći po rangu je ponuđač WIENER OSIGURANJE A.D. BANJA LUKA sa ukupnom cijenom ponude u iznosu od 2.915,64 KM bez PDV-a, četvrti po rangu je ponuđač TRIGLAV OSIGURANJE D.D. SARAJEVO PODRUŽNICA Zenica sa ukupnom cijenom ponude u iznosu od 3.840,00 i peti po rangu jeste ponuđač SARAJEVO-OSIGURANJE D.D. sa ukupnom cijenom ponude u iznosu 3.897,60 KM bez PDV-a.

Nakon provedenog postupka ocjene prihvatljivih ponuda i provedene e-aukcije, prema utvrđenom kriteriju-najniža cijena Komisija je dala preporuku da se prihvati ponuda ponuđača ASA Central osiguranje d.d. Sarajevo prihvati kao najpovoljniju za nabavku usluga osiguranja radnika od posljedica povrede na radu, povrede odlaska na posao i s posla, za slučaj smrti uslijed nesreće na radu i invalidnosti zaposlenih u JU „Dom zdravlja“ Zavidovići, koja je u provedenom postupku javne nabavke, nakon e-aukcije, imala najnižu cijenu u ukupnom iznosu od 2.832,03 KM bez PDV-a.


Cijeneći pravilnost provedenog konkurentskog zahtjeva za dostavu ponuda za nabavku usluga osiguranja radnika od posljedica povrede na radu, povrede odlaska na posao i s posla, za slučaj smrti uslijed nesreće na radu i invalidnosti zaposlenih u JU „Dom zdravlja“ Zavidovići, te datu preporuku od strane Komisije za javne nabavke odlučeno je kao u dispozitivu ove Odluke.

**PRAVNA POUKA:** Protiv ove odluke može se izjaviti žalba u roku od 5 dana od dana prijema ove odluke.

Žalba se izjavljuje Uredu za razmatranje žalbi putem ugovornog organa u pisanoj formi direktno, elektronskim putem ili preporučenom poštanskom pošiljkom u tri primjerka, uz dokaz iz člana 105. stav (1) tačka i) Zakona o javnim nabavkama, o plaćenju naknade za pokretanje žalbenog postupka, u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

PRIPREMIO:

Amir Tursić, dipl. pravnik



**DOSTAVLJENO:**

1. ASA Central osiguranje d.d. Sarajevo,
2. Euroherc osiguranje d.d. Sarajevo  
– Podružnica Travnik,
3. Wiener osiguranje a.d. Banja Luka,
4. Triglav osiguranje d.d. Sarajevo  
– Podružnica Zenica,
5. Sarajevo osiguranje d.d. Sarajevo,
6. a/a.

**DIREKTOR:**

Hadžić dr Amira,  
spec. dijagnostičke radiologije

